

Na osnovu zaključenog „Sporazuma o udruživanju finansijskih sredstava za realizaciju projekta rekonstrukcije i sanacije ulice Avde Palića u dužini od cca 930m, na području Općine Novi Grad Sarajevo“ broj 02/02-11-10998/20 od 25.06.2020. godine, između Općine Novi Grad Sarajevo i Direkcije za puteve KS, primjenom odredaba članova 25. i 32. Zakona o javnim nabavkama („Službeni glasnik BiH“ broj 39/14), proveden je otvoreni postupak zajedničke javne nabavke pod brojem obavještenja 422-1-3-182-3-108/20 objavljen u Službenom glasniku BiH broj 46/20 dana 31.07.2020. godine i na Portalu javnih nabavki 27.07.2020. godine, na osnovu kojeg se zaključuje slijedeći

## **OKVIRNI SPORAZUM**

### **Izvođenje radova na rehabilitaciji i rekostrukciji ulice Avde Palića**

Između:

**I OPĆINA NOVI GRAD SARAJEVO**, ID broj 4200422060000, PDV broj 200422060000, ul. Bulevar Meše Selimovića br. 97. koju zastupa Općinski načelnik mr. Semir Efendić (u daljem tekstu: Općina/Investitor)

**II Ministarstvo saobraćaja Kantona Sarajevo - DIREKCIJA ZA PUTEVE**, ID 4200663690004, ul. Hamida Dizdara broj 1. Sarajevo, koju zastupa direktor Selmir Kovač (u daljem tekstu: Ministarstvo/Investitor)

**I**

**III “GRAKOP” DOO KISELJAK**, ID 4236047100001 i PDV 236047100001, Gromiljak bb Kiseljak, kojeg zastupa direktor Senad Sejdić (daljem tekstu: Izvođač/ponuđač)

#### **Član 1.**

Ovim okvirnim sporazumom sporazumne strane regulišu okvirna pitanja vezana za Izvođenje radova na rehabilitaciji i rekostrukciji ulice Avde Palića. Okvirni sporazum sklapa se na osnovu Odluke o dodjeli sporazuma najpovoljnijem ponuđaču broj 02/12-19-12756/20 od 04.09.2020.godine, donesene na osnovu provedenog otvorenog postupka zajedničke javne nabavke, ponude Izvođača br. 44/20 od 19.08.2020. godine sa konačnim okvirnim predmjerom radova (datom u Aneksu 3 TD), Izvještaju o toku i završetku E-aukcije od dana 28.08.2020. godine, uslovima utvrđenim tenderskom dokumentacijom. Radovi će se izvoditi na području općine Novi Grad, ul. Avde Palića.

#### **Član 2.**

**Okvirni sporazum zaključuje se na period od dvije (2) godine, do maksimalne finansijske vrijednosti od 1.031.077,89 KM sa PDV-om.**

**/slovima: jedanmilijontridesetjednihiljadasedamdesetsedam i 89/100 KM/**

Izvođač prihvata sve uslove iz sporazuma, posebno da će cijene iz tehničke specifikacije radova ostati fiksne tokom realizacije sporazuma tj. u trajanju od dvije godine.

#### **Član 3.**

Tokom trajanja ovog okvirnog sporazuma sa Izvođačem radova će se zaključivati pojedinačni ugovori u skladu sa raspoloživim finansijskim sredstvima i potrebama Investitora.

Pojedinačnim ugovorima će se definisati svi elementi ugovora, odnosno prava i obaveze ugovornih strana.

#### Član 4.

Izvođač radova će biti obavezan za pojedinačnu nabavku dostaviti ugovornom organu bankovnu garanciju za uredno izvršenje ugovora na iznos od 10% ugovorene vrijednosti. Bankovnu garanciju je potrebno dostaviti prema formi obrasca koji je propisan "Pravilnikom o formi garancije za ozbiljnost ponude i izvršenje ugovora" (Službeni glasnik BiH br. 90/14) dat u Aneksu 11. tenderske dokumentacije. Bankovna garancija mora biti original i ne smije biti oštećena.

Period trajanja garancije za pojedinačne ugovore je period izvođenja radova plus garantni rok. Rok izvođenja radova će biti definisan u pojedinačnim ugovorima.

Garancija pokriva naknadu svake štete kao i troškove koje može imati ugovorni organ ukoliko Izvođač prekrši (pojedinačni) ugovor.

#### Član 5.

Ukupno maksimalno trajanje svih pojedinačnih ugovora je 180 kalendarskih dana računajući od dana uvođenja Izvođača radova u posao.

#### Član 6.

Pojedinačni ugovori obavezno će biti pod uslovima utvrđenim u tenderskoj dokumentaciji i prihvaćenoj ponudi od 19.08.2020.godine, kao i pojedinačnim ponudama.

Plaćanje za pojedinačne ugovore će se vršiti bez avansa, putem privremenih situacija u zakonskom roku.

#### Član 7.

##### **Garantni rok**

Garantni rok za izvedene radove i ugrađenu opremu je 2 /dvije/ godine računajući od dana primopredaje radova, što je obezbjeđeno bankovnom garancijom za dobro izvršenje posla.

Izvođač je dužan u garantnom roku po pozivu Investitora, a u roku od 10 dana, otkloniti sve eventualne nedostatke nastale greškom Izvođača o svom trošku.

Ukoliko Izvođač ne postupi po pozivu Investitora i otkloni nedostatke, isti stiče prava bezuslovne naplate garancije, odnosno Investitor je ovlašten da za otklanjanje nedostataka angažuje drugo pravno lice i da nastalim troškovima tereti Izvođača.

#### Član 8.

Ukoliko Izvođač ne bude u mogućnosti izvršiti preuzete obaveze iz ovog sporazuma ili grubo krši odredbe istog, te nije u mogućnosti da ispuni ono na što se obavezao kroz svoju ponudu, Investitor može jednostrano i pisemnim putem raskinuti sporazum, bez ikakvih posljedica.

Investitori mogu raskinuti ovaj sporazum i ako: ugovorne strane iz bilo kog razloga raskinu pojedinačni ugovor; ukoliko Izvođač iz bilo kog razloga odbije da potpiše ponuđen mu pojedinačni ugovor ili ne poštuje bilo koju odredbu definisanu pojedinačnim ugovorom; ukoliko Izvođač radova ne izvede radove iz pojedinačnog ugovora u predviđenom roku (izuzev u opravljenim situacijama); ukoliko Izvođač poslove izvodi nekvalitetno i suprotno tehničkim propisima...i sl.

Za sve što nije regulisano ovim okvirnim sporazumom ili pojedinačnim ugovorima sklopljenim na temelju ovog okvirnog sporazuma primjenjivat će se odgovarajuće odredbe ZOO-a.

#### Član 9.

Ovaj okvirni sporazum zaključuje se na period od dvije (2) godine.

#### Član 10.

Sporazumne strane su saglasne da Izvođač nema pravo zapošljavati u svrhu izvršenja ugovora fizičke i pravne osobe koje su sudjelovale u pripremi tenderske dokumentacije ili su bile član ili stručna

osoba koju je angažirala Komisija za nabavke u postupku koji je prethodio ovom ugovoru, najmanje šest mjeseci po zaključenju ugovora.

Član 11.

Sporazumne strane saglasne su da će sve eventualne sporove iz ovog sporazuma kao i sporove koji nastanu iz pojedinačnih ugovora sklopljenih na osnovu ovog Sporazuma, rješavati rješavati mirnim putem, a ukoliko to nije moguće, za rješavanje spora nadležan je Općinski sud u Sarajevu.

Član 12.

Okvirni sporazum sačinjen je u 8 (osam) istovjetnih primjeraka, od kojih Općina zadržava četiri (4) primjerka, Ministarstvo dva (2) primjerka, a 2 (dva) primjerka zadržava Izvođač.

**IZVOĐAČ**

**GRAKOP doo Kiseljak**

**Direktor**

Broj: 01/2-92/20

30. 09. 2020.

**INVESTITORI:**

**I Ministarstvo saobraćaja Kantona Sarajevo**

**Direkcija za puteve - Sarajevo**

**Direktor**

Broj: 01/2-11-37633  
Sarajevo, 29. 09. 2020.

**II Općina Novi Grad Sarajevo**

**Općinski načelnik, mr. Samir Efendić**

Broj: 02/12-19-12756/20  
Sarajevo,

28. 09. 2020.